

KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog /odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24, 39/24 i 17/25 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 53. sjednici održanoj 12.03.2026. godine, donijela je

Autentično tumačenje člana 65. stav (1) tačka d), a vezano za stav (3) člana 65. Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25)

„Član 65.

(1) Radniku po osnovu otežanih uslova rada pripada pravo na poseban dodatak uz platu u visini do 25% njegove osnovne plate u sljedećim slučajevima:

d) direktoru, radniku u neposrednom odgojno-obrazovnom procesu (nastavnik razredne nastave, nastavnik predmetne nastave, odgajatelj, pedagog, psiholog, defektolog, logoped, asistent u odjeljenju, asistent u grupi, fizioterapeut i medicinska sestra) u ustanovama koje odgajaju i obrazuju djecu i učenike s teškoćama pripada pravo na poseban dodatak uz platu u iznosu od 15% njegove osnovne plate a ostalim radnicima u ustanovama koje odgajaju i obrazuju djecu i učenike s teškoćama pripada pravo na poseban dodatak uz platu u iznosu od 5% njegove osnovne plate,

(3) Posebni dodaci iz stava (1) ovog člana se utvrđuju za svaku školsku godinu, a isplaćuju se tokom cijele nastavne godine izuzev posebnih dodataka iz stava (1) tačka k), tačka l) i tačka n) koji se isplaćuju tokom cijele školske godine.“

Citirana odredba Kolektivnog ugovora znači da se radniku zaposlenom u predškolskom odjelu Centra za odgoj, obrazovanje i rehabilitaciju „Vladimir Nazor“ Sarajevo po osnovu otežanih uslova definisanih u stavu d) stav (1) člana 65. Kolektivnog ugovora isplaćuje poseban dodatak za svaki mjesec u kojem je radio, a najduže 10 mjeseci u toku školske godine.

Odluka o autentičnom tumačenju člana 65. stav (1) tačka d), a vezano za stav (3) člana 65. Kolektivnog ugovora je donesena na 53. sjednici Komisije održanoj 12.03.2026. godine jednoglasno konsenzusom.

ČLANOVI KOMISIJE

Abid Fejzić, predstavnik Poslodavca

Saudin Sivro, predstavnik Sindikata

Senad Sladić, predstavnik Poslodavca

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO
n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -
KANTONALNI ODBOR KANTONA SARAJEVO**
n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25 – u daljem tekstu: Kolektivni ugovor) obratio se Sindikat, kao jedna od ugovornih strana, aktom broj: 445/26 od 05.03.2026. godine koji se odnosi na tumačenje člana 65. stav (1) tačka d), a vezano za stav (3) člana 65. Kolektivnog ugovora u dijelu utvrđivanja prava radnika zaposlenih u predškolskom odjelu Centra za odgoj, obrazovanje i rehabilitaciju „Vladimir Nazor“ Sarajevo na poseban dodatak u toku školske godine.

U vezi s navedenim, obavještavamo Vas da je Komisija na 53. sjednici održanoj 12.03.2026. godine, donijela autentično tumačenje člana 65. stav (1) tačka d), a vezano za stav (3) člana 65. Kolektivnog ugovora, koje Vam dostavljamo u prilogu ovog akta, radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**